

INUIT ATAQATIGIIT

Inatsisartuni



UKA 2020/36

4. november 2020

Múte Bourup Egede

Inatsisartut aalajangiiffigisassaattut siunnersuutigineqarpoq Naalakkersuisut nalunaajaatigissagaat, suliffeqarfíit aningaasaqarnikkut suliaqartut pisisartuminnut neqeroorutigilissagaat, isumaqatigiissutit allattariarsuutitalinnik imallit, pisisartup suliffeqarfíullu akunnerminni isumaqatigiissutaat, kalaallisut suliarineqartalissasut.

(Inatsisartunut ilaasortaq Erik Jensen, Siumut)

Inuit Ataqatigiit oqaatsitta nunatsinni pingaarnersaaneri naqissuserumavaat. Oqaatsitta pingaarnersatut ineriaortorttuarnissaat pingartippalput. Meeqqerivinni, meeqqat atuarfiani ilinniarfinnilu oqaatsitta ilikkarluarneqarnissaat tunngavissilluarumallutigu.

Peqatigisaanillu oqaatsinik ilinniartitsineq nukittorsarusupparput, kalaallisut, qallunaatut oqaatsillu allat eqqarsaatigalugit. Pingartippalput kalaallit oqaatsitta paarilluarnissaat, aamma tapersorsorparput suliffeqarfinni tamanut ammasuni oqaatsitta ersarinnerusumik atugaalernissaat. Ilutigisaanik ilisimaarilluar- parput oqaatsit Nunatsinni nunanilu allani ilinniarnissamut matuersaataammata, sulissutigaarpullu nunatsinni meerartatta inuuusuttortattalu minnerpaamik kalaallisut, qallunatut tulluttullu meeqqat atuarfiani ilikkagaqartarnissaat.

Inuit Ataqatigiit isumaqarput oqaatsit pillugit mattussisoqartassanngitsoq periarfissanilli ammaassusoqartassasoq, soorlu danskisut inorsartut ilinniarfinnut, atorfinnut imaluunniit soorlu uani siunnersuuteqartup qaqlitaani unammillernartut aaqqiivigisinnaanissaat periarfissarsiorstuarumavarput.

Siunnersuuteqartoq Inatsisartunut ilaasortaq, Erik Jensen qutsavigiumavarput. Siunnersuut naak nalunaarusiornikkut ingerlaannaq iliuuseqarfífigineqarnavianngikkaluartoq, siunnersuuteqartoq qaqlitsivoq nunaqqaterpassuatta unammillernartumik nalaassinnaasaannik pitsangorsaaniissamik.

Siunnersuuteqartup ukiup ingerlanerani §37-044 aqqutigalugu, sammisaq una pillugu apeqquataani takuneqarsinnaavoq Naalakkersuisut akissutigigaat. Aningaaseriviit assigisaasalu isumaqatigiissusiorfigineqarneranni, isumaqatigiissusiorfigineqartup pisariaqartittaraa oqaatsinik paasisinnaasaminik isumaqatigiissusiorfigineqartarnissani.

Qulaani tunngavilersuutit innersuullugit siunnersuut taperserlugu ataatsimiitsitaliamut susassaqartumut innersuupparput.